

Na osnovu člana 33. Zakona o osnivanju Nezavisnog operatora sistema za prijenosni sistem u Bosni i Hercegovini („Službeni glasnik Bosne i Hercegovine“ br. 35/04), člana 8. stav 1. Zakona o radu u institucijama Bosne i Hercegovine („Službeni glasnik Bosne i Hercegovine“ br. 26/04, 7/05, 48/05, 60/10, 32/13, 93/17, 59/22 i 88/23), čl. 4. st. (2), (4) i (5), 5., 6., 7. i 8. Pravilnika o radu Nezavisnog operatora sistema u Bosni i Hercegovini (br. 9/17 od 13.02.2017., 35/20 od 19.06.2020 i 59/22 od 12.05.2022. godine), a u skladu sa Pravilnikom o unutrašnjoj organizaciji i sistematizaciji radnih mjesta Nezavisnog operatora sistema u Bosni i Hercegovini (br. 14/23 od 21.03.2023., 24/24 od 15.08.2024. i 12/25 od 10.03.2025. godine), kao i Odlukom o popunjavanju radnog mjesta broj: 02-853-1/26 od 15.06.2026. godine, Nezavisni operator sistema u Bosni i Hercegovini raspisuje

JAVNI OGLAS za popunjavanje radnog mjesta

01 Inženjer za cyber/informacionu sigurnost - pripravnik - 1 izvršilac (u organizacionoj jedinici Sektor za informacione i komunikacione tehnologije)

01 Inženjer za cyber/informacionu sigurnost - pripravnik

Opis poslova:

1. Predstavlja zamjenu kontakt osobi za sva pitanja koja se odnose na informacionu sigurnost u NOSBiH-u.
2. Učestvuje u odgovorima na incidente vezane za informacionu sigurnost te u provođenju penetracionih testova te internih i eksternih testova ranjivosti.
3. Održava kontakt s posebnim interesnim grupama ili drugim forumima specijaliziranim za sigurnost i profesionalnim udruženjima iz te oblasti te sarađuje sa državnim organima u oblasti sigurnosti. Prati odluke koje donose posebne interesne grupe ENSTO-E (npr. posebna interesna grupa za cyber sigurnost) o temama koje se odnose na informacionu sigurnost i IT strategiju ENTSO-E.
4. Održava kontakt s državnim tijelima BiH, institucijama EU te s organizacijom ENSTO-E, koju obavještava o državnim zakonima i uredbama vezanim za cyber i IT sigurnost.
5. Dizajnira i implementira sigurnosna rješenja (npr. *SIEM*, *EndPoint Security*, *Privileged Access Management*, *Identity and Access Management*, *Firewall* i sl.)
6. Implementira sigurnosne mjere za rješavanje ranjivosti, radi na ublažavanju rizika i daje preporuke za sigurnosne promjene IKT sistema.
7. Analizira sigurnosne incidenate.
8. Implementira sigurnost aplikacija i baza podataka, analizira ranjivost aplikacija i baza podataka.
9. Radi instalaciju, konfiguraciju i održavanje sigurnosnih sistema IKT.

10. Vršiti svakodnevni nadzor sigurnosne infrastrukture IKT.
11. Rješava zahtjeve i odgovara na incidente u radu sigurnosne infrastrukture IKT.
12. Prati nove sigurnosne tehnologije iz oblasti IKT.
13. Svakodnevno sarađuje sa internim i poslovnim korisnicima.
14. Učestvuje u procesu nabavke sigurnosne opreme i softvera iz domena IKT.
15. Procjenjuje sigurnosnu situaciju u vanrednim okolnostima i koordinira aktivnosti vezane za rješavanje nastale situacije.
16. U saradnji sa drugim inženjerima u Sektoru za IKT prati stanje sigurnosti telekomunikacija, računarskih mreža i informacionih sistema te baza podataka i predlaže implementaciju sigurnosnih rješenja u svrhu zaštite komunikacija i podataka.
17. U saradnji sa drugim inženjerima u Sektoru za IKT implementira potrebne sigurnosne mehanizme u telekomunikacionim i računarskim mrežama i informacionim sistemima.
18. Vodi evidenciju svih dodijeljenih administratorskih prava pristupa, njihove promjene ili ukidanje pristupa, a po potrebi i drugih korisničkih naloga i njihovih prava pristupa.
19. Vodi popis svih IKT sredstva koja se koriste za skladištenje, obradu i prijenos podataka, uključujući servere, radne stanice, uređaje za skladištenje, mrežne uređaje i sl.
20. Prati sigurnosnu situaciju, ispravnost i održavanje i drugih sredstava za podršku rada IKT sistema (UPS, agregat, serverske klime), kao i telefonske centrale, telefonije te mreže PABX i predlaže njihovo unapređenje.
21. Nadzire IKT sredstva sa sigurnosnog aspekta, pravi procjene budućih zahtjeva za kapacitete kako bi se postigao potreban nivo sigurnosti, odnosno usaglašenost s utvrđenim zahtjevima sigurnosti.
22. Rukovodiocu Sektora za IKT pruža stručnu pomoć kod izrade planova razvoja, nadogradnje i održavanja IKT infrastrukture.
23. Po nalogu rukovodioca Sektora za informacione i komunikacione tehnologije, obavlja i druge poslove neophodne za efikasno funkcionisanje NOSBiH-a.

Uslovi:

Opći uslovi utvrđeni Zakonom o radu u institucijama BiH:

- da ima navršenih 18 godina života
- da je državljanin Bosne i Hercegovine
- da protiv njega nije pokrenut krivični postupak za krivično djelo za koje je predviđena kazna zatvora od tri i više godina ili da mu nije izrečena zatvorska kazna za krivično djelo učinjeno s umišljajem, u skladu sa krivičnim zakonima u Bosni i Hercegovini
- da nije obuhvaćen odredbom člana IX stav 1. Ustava Bosne i Hercegovine
- da je fizički i psihički sposoban za obavljanje poslova radnog mjesta na koje se prijavio kod poslodavca

Posebni uslovi:

- visoka stručna sprema – elektrotehnika, informatika/računarstvo, automatika, telekomunikacije ili ekvivalentna kvalifikacija

- poznavanje engleskog jezika

Napomene:

Radni odnos sa pripravnikom se zasniva na određeno vrijeme od godinu dana.

Mjesto rada je u sjedištu NOSBiH-a u Sarajevu, Hifzi Bjelevca 17.

Ne može se primiti ni biti u radnom odnosu osoba koja u mjestu življenja obavlja samostalnu profesionalnu djelatnost, odnosno, koja ima obrtničku radnju ili vlastito preduzeće, kako je naznačeno u članu 11. Zakona o radu u institucijama BiH.

Potrebni dokumenti:

- Prijava kandidata sa kratkim rezimeom motiva za prijavu na javni oglas, biografija – CV, ovjerena kopija diplome, a za kandidate koji su visoko obrazovanje stekli po bolonjskom procesu, uz diplomu i ovjeren dodatak diplomi, ovjerena kopija uvjerenja o državljanstvu koja nije starija od šest mjeseci, ovjerena izjava kandidata da se na njega ne odnosi član IX stav 1. Ustava BiH, dokaz o poznavanju engleskog jezika.

Kandidati koji su fakultet završili van Bosne i Hercegovine, odnosno koji su diplomu stekli u nekoj drugoj državi nakon 06.04.1992. godine, obavezni su dostaviti ovjerenu kopiju nostrifikovane/priznate diplome, u skladu sa odredbama Zakona o važnosti javnih isprava u Bosni i Hercegovini („Službeni glasnik BiH, br. 23/04). Ukoliko je postupak nostrifikacije/priznavanja počeo ranije ili je u toku u trenutku prijavljivanja na oglas, kandidat je dužan uz prijavu dostaviti i potvrdu o podnesenom zahtjevu za nostrifikaciju/priznavanje diplome nadležnom organu.

Napomena za kandidata koji bude izabran :

Neposredno pred zaključenje ugovora o radu izabrani kandidat dužan je dostaviti uvjerenje o zdravstvenoj sposobnosti (koje nije starije od tri mjeseca), uvjerenje da se protiv njega ne vodi krivični postupak, uvjerenje o nekažnjavanju, kopiju lične karte i kopiju potvrde o prebivalištu.

Neispunjenje ove obaveze rezultirat će odbacivanjem izabranog kandidata.

S kandidatima koji uđu u uži izbor Komisija za izbor obaviti će razgovor i pismeno testiranje o čemu će odabrani kandidati pravovremeno biti obaviješteni.

Komisija će posebno voditi računa o poštovanju člana 8. stav 9. Zakona o radu u institucijama BiH („Službeni glasnik BiH“ broj: 26/04, 7/05, 48/05, 60/10, 32/13, 93/17, 59/22 i 88/23).

Svi kandidati koji se prijave na javni oglas pismenim putem će biti obaviješteni o rezultatima javnog oglasa, odnosno, izboru kandidata.

Rok za podnošenje prijava:

Krajnji rok za prijavu na javni oglas je **10 dana** od dana objavljivanja obavještenja o javnom oglasu u dnevnim novinama, odnosno integralnog teksta oglasa na web stranici institucije.

Neblagovremeno dostavljene i nepotpune prijave neće se uzimati u razmatranje.

Prijave se mogu dostaviti lično ili preporučenom poštom na adresu: Nezavisni operator sistema u Bosni i Hercegovini, Ul. Hifzi Bjelevca 17, 71 000 Sarajevo s naznakom za konkretno radno mjesto:

"JAVNI OGLAS za popunjavanje radnog mjesta 01 Inženjer za cyber/informacionu sigurnost - pripravnik – 1 izvršilac - NE OTVARATI"

Obavještenje o javnom oglasu objavljeno je u dnevnim novinama, a integralni tekst oglasa na web stranici Nezavisnog operatora sistema u Bosni i Hercegovini.